

案  
補遺 胎產  
辯訛 集方

# 引經證醫

桐城黃雲  
書簽



貞

引經證醫卷之四

新安汀茵程樑醫稿門人葉萱潤生校訂

崇川詠樓沈鏐參閱

雒水姚黻棣軒參校

補遺

獎<sup>三十</sup>歲

左部脉至沉弱無神右部濡急舌垢瀝赤身熱稱有四朝未能

納穀防其內限神昏

川 樸 猪 苓 香附米 茯 苓

秦 朮 枳 殼 佩蘭葉 甘草稍

初劑後據稱次日得大便下如彈丸數枚午後稍進米飲復診

五全 甲申冬 購於北新橋

左部脉至稍起惟胸腕仍有不舒之象令服原方一劑再行加

減

朱<sup>六十</sup><sub>七歲</sub>腎虛不能納氣喘咳氣高兼見腰痛

南沙參 象貝母 蛤 殼 潼沙苑

枇杷葉 欵冬花 牡蠣塊 川杜仲

六劑後喘逆平腰痛減半加減去蛤殼加熟地四錢

薛<sup>六十</sup><sub>三歲</sub>寒瘧日作三月於茲知饑不能納兼通胃陽為是

青 蒿 陳 皮 枳 殼 茯 苓

蘇 梗 薑 皮 法半夏 通 草

草菓仁 飯鍋焦

初劑後寒瘧止惟腰膝痠奕雖體質已虛目下遽難進補加減

將原方去草薺仁蘇梗加秦艽錢半與以散陰膏貼兩委中

吳<sup>早</sup>歲<sup>早</sup>脉數而弱獨熱不寒口渴舌燥宜乎救陰

炒黃芩 秦艽 連翹 通草

料豆衣 黑梔子 枳殼 茯苓

兩劑後熱退脉平加減去黃芩梔子加半夏錢半

沈<sup>二十</sup>竅<sup>二十</sup>清陽不升以致清竅脉絡因之不利而為頭痛

生抽著 蒼木 當歸頭 薑渣

西黨參 川芎 升麻 茯苓

橘絡 黑大棗

金<sup>四</sup>肝虛不能藏血致血妄行從大便下注稱逢寅卯二時尤劇治

在足厥陰

阿膠珠

女貞子

當歸炭

地榆炭

製香附

冬瓜仁

炒黑白芍

三劑後便血止惟卧則汗漬合煎冬桑葉一錢浙菊花八分吞

服六味地黄丸四錢

謝<sup>四</sup>素<sup>二</sup>有脫肛之症愈而復發血隨便下係中氣虧虛致失統攝宗

其在下者舉之之法主治

升麻

黃耆

子芩

樗白皮

葛根

於朮

炒白芍

白頭翁

據稱服過兩劑後約減十分之六將原方加黑大棗五枚香附

一錢二劑後再行加減

潘平濕邪下注時見白淫仿草薺分清飲加減

川草薺 豬苓 滑石塊 車前根

綿茵陳 澤瀉 茯苓 甘草梢

二劑後白濁稍減莖見微痛濕已化熱加減去滑石加子苓黃

柏各八分白蘚皮一錢四劑後痛止

陸二十脾氣不守則胃氣不清經氣不為使而五臟之真元越於上竅

為咳痰帶紅

甜冬朮 川斛 懷山藥 茯苓

生甘草 白芍 製香附 西洋參

炒穀芽

次日復診痰中無紅令服原方四劑後再行加減

李<sup>四十</sup>濕邪蘊於大腸為下注白沫

枳實 圓圖香附 橘核 陳萊菔菜

蘇子 焦查子 紫沙糖

二劑後復診稱白沫不下惟頭微眩照原方去枳實蘇子加茯

苓三錢枳殼一錢

程<sup>六十</sup>素艱於大便必須五旬餘始可以解熱結為腹痛

瓜瓠仁 炒梔子 枳殼 甘草

桃仁 秦艽 香附 白通草

初劑之後氣機宣暢腹痛亦減惟大便仍然未通應照原方再  
進一服加減

朱<sup>子</sup> 兩尺脉至沉弱無神近見便血係下元元氣素虛失於統攝以

致陰精不守仿白頭翁湯意出入

白頭翁 地榆炭 黑當歸 生香附

子芩 炒白芍 樗根白皮

韋<sup>十九歲</sup> 脉象弦數寒熱不清據稱大便七日未解速宜治標

麻仁 瓜萺仁 枳殼 生胡麻

蘇子 桃仁 子芩



一劑之後小腹堅硬如石脹痛難堪未能安卧次早復來加減  
因將原方去枳殼易枳實一錢再進一劑下午得大便寒熱亦

輕

李<sup>五</sup>咳經既久宜兼養陰

北杏仁泥 象貝母

料豆衣

南沙參

款冬花

宋法夏

瓜篋皮

鮮百合片

四劑後咳逆減半加減去瓜篋

周<sup>三</sup>壯水之主以鎮陽光

熟地黄

牡蠣塊

立參

西洋參

生地黃

蛤殼

女貞子

青鉛

一二劑之後耳鳴已止加減去女貞玄參青鉛加丹皮澤瀉茯苓

今將本方等味研末蜜法為丸每晨用鹽開水吞服四錢

王<sup>六</sup>温補肝腎以利機關

川杜仲 熟地黃 川續斷 橘絡

全當歸 狗脊 兔絲子 牛膝

程<sup>三十</sup>經曰濕氣勝者為着痺

猪苓 茯苓 生香附 新會皮

青皮 枳實 薑渣 甘草梢

四劑後左脇痺氣微動加減去枳實薑渣加三稜王不留行

陸<sup>四十</sup>巨陽之瘧寒從背起腰痛頭重

藁本 羌活 蘇葉 茯苓

薑皮 防風 甘草 通草

初劑後身得大汗如浴次日寒熱截止加減去羌活防風藁本

蘇葉加秦艽枳殼薄荷以逐餘邪

金<sub>三十歲</sub>脉至沉弦獨熱不寒乃癰瘡之漸

淨連翹 冬桑葉 黃芩 香附米

黑梔皮 枳殼 薄荷葉 車前子

徐<sub>三十歲</sub>足陽明脉逆失於下行上衝犯肺為喘息有音

川厚樸 川斛 紫苑 枇杷葉

法半夏 茯苓 通草 旋覆花

自服右藥二劑後喘逆稍平惟右關脈至仍較浮洪應責胃陽之盛以致肺金失之清肅不能通調水道下輸膀胱故小便亦因之短促照原方除去川樸薑夏旋覆花加入生地蘆根知母秦艸車前子一劑後再行加減

柯九歲

身熱時發時止乾咳無痰醫指以爲出痧所進皆發表之劑旋見病勢日劇伊父予之知友也因索予往診按脈至虛弦惟兩關尤甚唇絳瀝赤面青目呆不思納穀四肢麻木不仁所見之症均屬肝脾二經有土困木橫之象不勝疑訝因問伊父始病之故稱小孩素喜飲酒而酒量且大是日隨伊母去鄰家應席極醉而歸即晚旋見身熱迄今未能得清予曰定是暢飲無度

擾動肝陽正如經所謂酸入肝又曰酒入於胃則脈絡滿而經  
 脈虛脾主為胃行其精液者陰氣虛則陽氣入陽氣入則胃不  
 和胃不和則精氣竭精氣竭則不榮其四支氣聚於脾中不得  
 散酒氣與穀氣相薄熱盛於中故熱遍於身內熱而瀝赤也又  
 曰酒氣慄悍腎氣自衰陽氣獨勝此偏熱唇絳乾咳瀝赤諸症  
 之並見也不亦宜乎因醉致病於理何疑擬以緩中兼平內風  
 一法以俟消息

甘菊花

生甘草

南沙參

籐鈎

麩仁

夏枯草

霜桑葉

白蒺藜

四劑之後偏熱減半咳逆亦平照原方加減

北沙參 白朮豆 冬瓜仁 炒穀芽

懷山藥 茯苓 陳皮

六劑內熱已清知飢思納惟唇仍絳而乾當於扶土劑中合入

育陰法

雞內金 炒白芍 生甘草 茯苓

白朮豆 懷山藥 北沙參 料豆衣

四劑後將原方分兩酌加數倍為末每晨大棗湯調服三錢

癸酉冬自吳回籍適家叔得一頭面浮腫症夜不得眠延及四

月求閱前所服諸方知醫皆以陰虛治已服過大小定風珠各

數十劑矣予曰陰分縱見虧虛而於浮腫之候投以一味純陰

之劑究非宜也診左右兩部脉象均見浮大而弦面腫蒼黑夜  
卧不安卧則寢汗如浴所幸飲食如常考之浮大弦皆陽脉也  
頭面浮腫陽呈之象也蓋頭爲諸陽之首蒼黑者肝腎之色肝  
腎之症也夜卧不安者胃中不和也經曰胃不和則卧不安卧  
則寢汗如浴者陽外越也若以陰虛而徒以一味滋餌填補其  
下則中州升降之樞機必因之而呆直不啻溝塞而益之以瘀  
泥似此而欲使之腫消病去不亦難乎治當速理中州之氣使  
之旋轉升降如輪蓋中州之氣行則三陰三陽之氣亦與之俱  
行矣何也經謂胃能行氣於三陽脾能行氣於三陰也陰陽若  
得各循其升降自然之道斯交紐有情又何慮腫之不消而寐

之不熟乎謹擬內治外治兩方開呈候 教

宋法夏 製香附 白蘆豆衣 茯苓

橘 絡 白蔻殼 冬桑葉

外治方

當歸尾 川芎 香附米 紅花

鹿角片 薑渣 葱鬚 延胡索

嘗考經旨久病不愈當於八脉推求此症既經四月以外非兼外治則速效難收每晚另將右藥煎取濃汁用新杉木盤盛之將兩足踏盤內以藥汁得浸兩踝上爲度乘熱擦左右足踝陷者中藉諸辛芳之氣開竅引諸藥氣運通築賓金門二穴使之



直達陰陽二維沈氏嘗謂陽維主一身之表陰維主一身之裏  
 有乾坤之象也如地氣得溫而上升斯天氣應溫而下降何壅  
 塞之有經曰血氣者喜溫而惡寒蓋得溫則運行得寒則凝滯  
 也另又有枕方法孔聖枕中丹意

元武版

碎

鱉甲

碎

全當歸

白薇

鹿角片

白芍

香附米

茯苓

浙菊

沉檀香末

通草

冬桑葉

用鹿皮作枕以一面當中剪去見方二寸許剪開之缺另用羽  
 毛見方三寸許貼之用藥盛於枕中再以線縫之使藥氣得從  
 羽毛孔中透出每晚將頸後陷者中對缺口仰臥自此十日後